



437  
4931







101001









161901

詩集卷二

七言律詩

諸葛山

諸葛征南實

戰嚴關名士

龍誰識在雙湖

大孤通海有祀謫二

其二

石存育自不



遊迤東無高山仰止

難鳳我知儀萬仞臥

千秋事帳望青巒漢

大孤通海有祀謫二

其二

石存育自不







待焚草卷二

七言律詩

諸葛山二首



諸葛征南實渡瀘素輿曾過迤東無高山仰止  
巖巖爾名士風流處處吾雛鳳我知儀萬仞臥  
龍誰識在雙湖英雄會合千秋事悵望青巒漢  
表孤通海有杞瀘二湖故名雙湖

其二

泉石膏肓自不禁此山况復愜幽心陽坡儘足



躬耕畝絕頂堪爲抱膝吟  
囂鬪携將黃髮去草廬  
結在白雲深襄陽耆舊  
今誰是許爾冥搜到  
遠岑

賦得振衣千仞岡

不是區區七尺身  
舉頭我獨與天親  
可知世外無三島  
自命寰中第一人  
襍佩九霄聞亮節  
清風萬里拂輕塵  
咲他足下紛紛者  
狐貉縕袍判富貧

祝雙壽



齊眉翁嫗髮霜華結髮迴思口未賒輩輩兒郎  
騎竹馬年年之子咏桃花椿長菌短看千變鶴  
白松青正一家雙水酒盃同浩蕩醉來會見玉  
山斜

峴思丈人樓成索韻二首

花萼聯翩又有樓尼郎勝處得全收南開孤嶂  
屏千尺北挹雙湖酒一甌陋巷空傳顏氏樂草  
堂真讓杜陵愁九州寒士歡依庇廣廈千間動

念不

通海古  
名尼郎



其二

環堵蕭條阿堵虛兩間遼濶一間居不疑風雨  
欺蓬戶要把乾坤作草廬到處春庭爭殖殖丈  
人夏屋更渠渠長材儘可支廊廟小向山林試  
有餘

題芝巘丈人齋中牡丹四首

漢宮莫漫倚新粧林下叢中自有香豈望叨蒙  
天一咲永懷供奉樂三章團園明月成雙美醜  
醜春風抵萬觴輕薄桃花須着眼榮華不盡屬



巖廊

其二

春風二月遍皇州  
草木欣欣不解愁  
我賤猶蒙有道耻  
君榮豈待執鞭求  
誰爲天下無雙艷  
原是昭陽第一流  
縱在林間非寂寞  
萬千紅紫拜低頭

其三

徑上淵明專種菊  
溪中茂叔獨栽蓮  
英雄萬古香仍在  
貧賤當年命可憐  
榮藉華堂儲富貴  
閒



居幽壑足便娟阿誰性僻傲王者青眼人人向  
爾偏

其四

啣盃舉首望三唐太白揮毫國艷旁全是心肝  
填錦繡至於草木被輝光花開三月枝枝老詩  
霸千春字字香絕調當年何處得雄豪半藉酒  
顛狂

白燕

何曾炫爛表奇毛本色天然駕爾曹  
岬柳垂青



別具眼山人衣白有同袍鳳因丹穴種仍貴兔  
托蟾宮望遂高造物鍾靈原不偶翱翔且自狎  
蓬蒿

壽繆種雪尊翁七十

時康熙五十一年

白頭對酒歡娛極青眼高歌慷慨饒雙水故人  
今日少秀山古柏去年彫一枝鳩杖乾坤柱萬  
歲龍飛曆數遙寵錫邇來頒壽考卽看粟帛下  
熙朝

與董文山春夜談詩次韵



先生有志大方家下走殷勤奉屬車欲弄陶琴  
難措手得嘗玄酒不思茶池生春草夫何遠楓  
落吳江自爾遐此處那容匡鼎說悄然相對燧  
燈花

看花闕又沂家園感舊用闕清起韻

尋芳強入少年叢愁見君家樹樹紅昔我青春  
來縱酒有人白髮共吟風園林花藥還依舊廢  
落開敷遞不窮留下杯棬誰對酌共嗟身世苦  
匆匆



同董文山看花用前韵

不應追逐入芳叢。刺眼深紅映淺紅。芍藥爲誰  
開咲口。翰林落墨灑春風。浣花今日人何在。飯  
顆當年彼亦窮。李杜流傳多贈答。一樽相對肯  
匆匆。

秀山茶花

瑤池對仗兩株花。似待神仙醉九霞。萬古青山  
留物色。十輪紅日射窗紗。發榮不借三春暖。輝  
映多承六出華。應咲寒梅烟月籠。水容寂寞少



人誇

春日卽事

一向雲嵐掃不開  
乍驚驟雨逐奔雷  
收將紅粉烟花去  
洗出青山面目來  
節到清明天豁達  
手攀楊柳思徘徊  
春光已失三之二  
報答匆匆但一盃

瓶梅次韻

我所思兮渺隴秦  
折芳欲寄問關津  
孤燈寂寂瓶中影  
五夜姍姍夢裡人  
窈窕玉蟾疑入覓  
意



鼠金鴨自爲隣  
晏安高臥非因雪  
爲與梅花臭味親

夏日遣興次闕清起韻

一个蒲團四壁蕭  
坐觀身世逐香消  
忽然木槁而灰死  
無自冰凝與火焦  
雨落休猜天墮淚  
蛙鳴可當子聞招  
北窻一枕羲皇上  
希爾遊心到

沈寥

韶一作招

孤山次韻

何時一棹問孤山  
極目中流萬慮刪  
頭上有天



同浩蕩人間無地更寬閒  
伯牙操縵當長往仲  
子乘桴不肯還底事至今猶悵望  
風波世路趨  
衰顏

尋菊周六雨草堂二首

小橋流水鎖茅茨  
淡淡秋花着幾枝  
人是淵明  
方對酒才非栗里  
莫題詩  
乾坤清氣唯三徑  
桃李春風彼一時  
遮斷柴門千個竹  
只容翠節傍  
幽姿

其二



容如蜂蝶簇花喧借問花神可耐煩勞汝多情  
來汎愛看他有咲却無言淵明休作桃源想惠  
驥難尋離垢園心遠地偏非浪語主翁不肯學

踰垣

九日携酒同董文山過周六雨草堂適值

主人他出次韵

先生何去定登山門下諸生肯閉關只剩三間  
茆屋在相陪幾朵菊花閒巷深黃耳迎人吠徑  
曲青苔護石頑會着悠然好意思從前足跡總



堪刪

次韵酬董文山

不學乖崖救火忙爲貪彭澤北窓涼多承金馬  
玉堂客來對清風明月觴畎畝只應容我樂簞  
瓢不合到君嘗賈生早晚還宣室剩下狂奴一  
個狂

乙未午門

賜進士鈔兄子城與焉效其

座師呂新安故事制爲二爵以壽父母

爲賦二首且以寄城



何事盃中謹勒名午門 賜鈔逮臣城感恩更  
比千金重載酒能將五鼎輕壽汝雙親來萬里  
教人一飲徹三更吾宗不是無昆弟獨有佳兒  
讓犬兄

其二

鄉書薦自呂司農此老功名孰比蹤累葉賜金  
皆鑄鼎一家釋褐盡從龍在中應有黃流滿休  
享行看秬鬯濃衣鉢師生當授受汝寅夙夜福  
重重



次韵和董文山重陽後十日携劉氏昆季

步秀山看月

十分愛月爲秋殘恨不乘風到廣寒  
振起衣裳千仞立合來天水一丸看  
遲遲歸步更三點晏晏高眠日幾竿  
今夕願言借二妙孤光留待我凭欄

對菊贈董文山

五柳清芬孰與倫多君捨得玉堂春  
未荒三徑歸來早自領孤芳坐對填  
何物魏姚驕富貴



問籬落爛金銀杏花十里會經過迴首東風一

片塵填音陳  
久也

四十生辰和闕清起見贈原韵二首

微生慙愧荷釣陶半世光陰付濁醪縱有長繩  
難繫日欲裁流水漫揮刀心當四十能無動人  
謂春秋尚未高幸得老兄長一歲為憐烏兔逐  
波濤

其二

柴門堅閉幾春秋只許青山闖入樓四十年來



行抄草  
卷二  
九  
多見惡二三子外少相留魚龍偃臥深深底鴻  
鵠飛揚上上頭自咲行藏何所處塵勞局促半  
生憂

四十生辰和董文山見贈原韵

人生四十是初秋每憶神仙海上樓未就丹砂  
姑飲酒欲從松子待封留平居此日叅龍尾招  
隱何年應鵠頭羨爾抽簪才壯歲江湖同樂不  
同憂

苦熱柬董文山



滂沱盡向汗中揮，惟得雲騰雨轉稀。  
使我對餐推案起，饒君拔劍有蠅飛。  
披襟時想清風穆，遠樹夢爲好鳥歸。  
門外經旬行跡斷，伊人咫尺亦相違。

闕堯夫樓成招飲

四壁棊書雜畫圖，依然先代好規模。  
騎鯨人去餘詩草，排闥山來認酒徒。  
伯仲連牆多第宅，衡茆對面愧葺葺。  
樓頭心眼蒼茫甚，天似窮廬籠八區。



○○次韵題闕堯夫新樓盆菊

滿室寒花照眼新  
此花應與我爲鄰  
短籬破屋  
得其所  
冒雨倚風思殺人  
華構深藏殊不慣  
秋  
山在望  
最相親  
憑欄誰會悠然意  
許罄君家萬  
石醇

立春次韵

春回猶剩雪如銀  
依舊家寒逼歲新  
詩酒未能  
完宿債  
鶯花且莫犯愁人  
湖山有意留吾輩  
烏  
兔無心老此身  
來往年年勞燕子  
緣何記得菓



門真

壽峴思丈人二首

九年前賦六旬詩忽忽於今不幾時  
懶作文章高興盡坐銷歲月壯心悲  
未應我便形容老只合翁先齒髮衰  
藥餌肯分扶病骨湖山携酒日追隨

其二

促齡具是太和湯四十年消幾萬觴  
何以劉伶今未死比之顏子壽爲長  
攝生翁不濡盃杓絕



技人兼儼扁倉豈必神仙才續命定將醒眼閱  
滄桑

芝巘丈人昆季偕李廣文陸鍊師秀山看  
茶花招余同往不獲追陪漫成二律

榮落紛紛過眼頻先生閉戶十年真惠然綠酒  
携常棣久矣青山盼故人萬朶花仍紅似火千  
莖髮已白如銀我知相對多慷慨共歷冰霜更  
幾春

其二



官人仙子共提壺可惜花間欠酒徒得見寶光  
爭日月便揮如意碎珊瑚殿中朱紫聞華麗鼎  
內丹砂定有無眼底分明春爛熳諸公覲面肯  
模糊

壽顧邑侯母氏代城

有子違親與我同東征邈矣大家風一身許國  
誰將母萬里辭家各在公垂領祇今梳髮白灼  
華如昨詠桃紅遙遙共祝南山石要作斑衣老  
萊翁



代人壽顧邑侯母氏

前身應住蓮花國此日還生宰相家肯以華丹  
汗窈窕直將冠帔當袈裟從來不變恒河見老  
去寧興皺面嗟坐客稱觴何必酒長筵試舉趙  
州茶

謁選到京與城聚處兩月作二首時城官

翰林

喚我音書比歲繁賣田買馬走長安十年乘隔  
憂身死一夕團圓作夢觀父子形容俱老瘦悲



歌出處各艱難如何蹈得疏家轍多賜黃金早  
掛冠

其二

九千里外凡三過二十年餘候一官老馬我愁  
行路晚蹇人爾欲上天難江湖有夢腸輪轉塵  
土無邊淚海寬多謝汝爲東道主玉堂尊酒日  
盤桓

到蘆山任後寄城

冠帶沐猴苦不勝樊籠野雀未嘗曾銅章捉去



如燒鐵案牘。看來似首楞。懷遠深更書石闕。思  
歸空局照銀燈。煩君一札投當路。放我還山作  
個僧。

蘆山書懷

酒兵打不破。愁城雞唱聽。來是惡聲。草綠花紅  
兒女淚。風晨雨夜弟兄情。飛仙關上天相黨。鐵  
索橋邊夢亦驚。歸去來兮歸得否。心思埋骨故  
山塋。

蘆山春日



桃李傷春總不言，鶯歌燕語忒囂喧。  
夢回南陌尋芳草，眼送東風入故園。  
在野友朋盃浩蕩，折花兒女淚潺湲。  
錦江速放歸舟去，莫滯巴山聽夜猿。

蘆山中秋

官人寂寂坐官衙，桂月依依照桂花。  
萬里關山同一點，雙湖兄弟憶三巴。  
歸心欲逐南飛鵲，行路難乘百丈車。  
自古異鄉爲異客，不逢佳節也思家。



官署卽事

百年老桂着花稀，古柏相參亦十圍。  
鵲噪爲誰來報喜，鴉啼向我似催歸。  
昔聞劔外官人冷，今信錦城生事微。  
吾道只應守寂寞，何時還掩故園扉。

謁武侯祠追和少陵蜀相韻

丞相祠堂尚可尋，我來無復柏森森。  
花開南菊是秋色，木落西風非好音。  
嘔血一腔成底事，閒關百折負初心。  
龐公携子鹿門去，隱鳳冥鴻別



有襟

秋日遊草堂寺懷杜少陵二首

滿眼秋風吹淚痕  
百花潭上百無存  
萬竿惡竹偏如故  
一曲清江已變渾  
何處蒼茫獨立詠  
此間依戀百年魂  
寸心千古文章事  
悵望伊人隔九原

其二

誰令稷契作巢由  
豈愛江村小築幽  
局促乾坤萬里眼  
飄零天地一沙鷗  
彼蒼安置詩丞相  
此



地發揮漢武侯愛國忠君雖異代文章事業等  
千秋

秋日成都旅次

錦江四面繞龍蛇華屋填城十萬家來往輪蹄  
紛螿蟻朝昏鼓吹亂池蛙載醪楊子居惡在問  
卜君平世已退酒肆相如如可作便拚一醉死  
三巴

歸過邛州馬上口占

隔溪粉壁出青林魚磬泠泠送梵音赤日紅塵



長路客清泉白石此時心出山小草有人咲結  
果空花無處尋剩得一雙窮相手提鞭歸去弄  
書琴

歸舟三首

歸舟颺颺指前林送客青山夾岼森得向水中  
遊汗漫每於枕上問晴陰風搖短燭三更夢雨  
打孤篷五夜心擊柝鳴榔相應答惱人不獨是  
秋砧

其二



懷哉久矣賦刀頭荏苒征帆挂杪秋寒菊不禁  
他冷咲長江那管客生愁風雲有類從龍虎烟  
水無邊儘鷺鷗阮籍途窮歸去好獨留疏受在  
皇州

其三

水上人家樹杪山居然雞犬在雲間數椽茆屋  
頭纔蓋兩版衡門夜不關免得風塵催白髮何  
曾飄泊損紅顏信知江渚魚蝦侶不羨鸞霄鶴  
鷺班



黔道旅次二首

茅茨客舍半欹斜，四壁穿空漏月華。  
去問隣家燈下酒，來陪老樹石旁槎。  
鈴鳴牛項荒山鐸，更報雞埭野店笳。  
枕上仍聞蟲唧唧，夢回猶見燭生花。

其二

麋鹿鸕鸞判兩頭，天南地北各深秋。  
燕山漠漠去吾遠，易水瀟瀟知汝愁。  
竹鳳朝飢輪野雀，雲鴻飛倦羨沙漚。  
書生冠帶十年久，何日乘輶出



帝州

懷城  
漚通鷗

次韻酬尹西民計部

京華往歲接君顏，俠骨英姿老未刪。  
湖海元龍投意氣，風花康節識機關。  
身如碧落倦飛鳥，心與白雲歸故山。  
滿紙殷勤道相憶，官人不分野人閒。

壽段涵真二首

小小相逢意氣投，分明酒後看吳鉤。  
臬盧劇孟當千乘，唇舌君卿動五侯。  
公子但爲十日飲，將



軍未必判年留自慙一飯何曾報青眼空然到  
白頭

其二

世間猶有鬢眉在眼底更誰意氣如聊爾徵歌  
經趙李慨然解劍帶荆諸蒼茫天地空搔首老  
大英雄尚把鋤未害還丹遲日月已成垂白莫  
虛徐

題張四聰封君小影

城北徐公不可求卷中人似鏡中鄒衣冠漫說



商山偉。年齒居然渭水流。誰是高曾疑計相。狀如婦女性留侯。經營不負丹青手。寫取惡形惜虎頭。

次韵酬人見贈二首

朝菌冥靈自判年。江河溪澗各潺湲。均堂芥泛茫茫水。醯瓮雞飛浩浩天。豎亥才能窮地紀。保章差可辨星躔。閣黎莫問西來意。衣到曹溪便不傳。

其二



羅雀門庭好閉關。誰知人外在人間。菊花不覺  
三秋冷。桑者能安十畝閑。有酒盃如天廣大。無  
絃琴亦水淙潺。雙湖昨夜垂竿去。明月孤舟滿  
載還。

次韵三首。醉闕清起見寄清起時官榆林  
作官我不柰離憂。汲汲還山問舊遊。會散岫雲  
無定態。東西溝水有分流。揮盃自勸燈前影。乘  
興空思雪夜舟。一夕三邊魂九逝。夢中道路不  
悠悠。



其二

連天萱草只生憂何地同君汗漫遊社燕南來  
鴻北去陽鳥西下水東流古今不盡長亭酒身  
世誰藏半夜舟是處青山可埋骨雙湖離思莫  
悠悠

其三

老病相催懷死憂何時重與故人遊全憑買酒  
澆胸塊有似抽刀斷水流雨雪空山支獨夜風  
帆遠海數歸舟河梁攜手成長別地下交歡恐



謬悠

○  
○  
兄子城奉 旨營墓假滿回任楚南三首  
君恩予假治親喪會葬千人擁北邙雙水百年  
留齒頰九泉二老有兒郎麻衣何必輸純采醑  
酒居然等奉觴更幸生前親見女乘驄衣笏  
詔還鄉

其二

使黔乞假覲雙親復 命蒙 天問二人一節  
便堪捐頂踵千秋不易際君臣匹夫感激酬餐



飯知已尋常許殺身死骨也應忘不得留將兒  
子報皇仁

其三

身屬天家不屬家  
鞚車才駕駕征車  
有情南浦多春草  
無限東風少  
棣華骨肉死生俱  
訣別衰殘涕淚苦  
交加  
沉思後會身如夢  
更與深更剪燭花

次韵醉周六雨見贈二首

忽忽愁來似白癡  
百年生事一囊詩  
毀車殺馬



將安往拔宅昇天未有時雪滿松阿仍獨立風  
吹蘭渚輒相思要憑朋好開懷抱頗恨伊人把  
臂遲

其二

百年咲我作書癡學道無門試學詩古廟香爐  
休歇後空山落葉寂寥時行行花柳迎明道面  
面鳶魚對子思自有風雷充鼓吹不煩絲竹寫  
衰遲

次周六雨春日看花韵二首



得意東風也自狂春來大塊不荒涼無端草木  
生歡喜有數英雄死色香我異淵明雙足病君  
同康節一冬藏行行作伴討花去誰是花蹊黃  
四娘

其二

又見園林一度芳少年歌咲老悲傷極知明日  
非今日要把朝陽當夕陽蝴蝶三更貪好夢鷓  
鴒一對話愁腸負疴未獲同携手心逐東君處  
處狂



一字誤

看花秀山溝次周六雨韻二首

渡橋穿柳問幽花  
曲曲山溪隱物華  
破屋茅茨疑洞府  
短籬雞犬帶烟霞  
老翁賣菜去沽酒  
稚子牽牛來飲汗  
不省人間爭富貴  
千紅萬紫裏安家

其二

投老驚心值歲華  
只應縱酒莫看花  
飄零白雪風初曉  
掩映紅粧日又斜  
漁父迴舟迷舊路  
將軍衣錦散朝霞  
神仙富貴皆何處  
惟有壺中是



我家

題周六雨草堂蘭花

屋角崇蘭擢數莖  
澧沅全鎖在柴荆  
不言有似思公子  
爲佩無從問屈平  
漾蝶輕風知蘊藉  
入松微月鑑幽貞  
旁廂石竹丁香小  
掩映些些却有情

戊申仲春寄答趙晴心三首

欲隨燕子入山扉  
不解橫江化羽衣  
借蹇東家防吝惜  
登樓老力覺稀微  
風吹腸斷情難斷  
魂



與花飛蝶慢飛得汝鶴觴來遠道三春愁借一  
盃揮

其二

損惠蹲鴟勝炙鵝相將歡伯掃愁魔十年宰相  
吾無分萬石葡萄彼則那當食誰知三歎意懷  
人獨對一尊哦君家是物皆辛苦手種蔬還手

種禾

晴心以芋  
酒相餉

其三

舊醅猶可涓涓飲新正已成忽忽過德酒心甘



爲酒死。哭花淚。落花多。我知北斗漿。難挹誰。  
斬東風。刃費磨。遙憶故人情。亦爾遺書苦。欲事  
禪那。

同周六雨看南隣牡丹次韻二首

君門桃李水西涯。盡逐東流不見花。何處香風  
穿曲巷。成團蝴蝶過隣家。青春作伴容霜鬢。紅  
燭高烧當日車。未減平生飛動意。不嫌醉後自  
雄誇。

其二



老來茫不識生涯。更得同看幾度花。蝴蝶夢中  
無別事。春風到處是吾家。留連光景常侵夜。咫  
尺經過不借車。此去洛陽千萬里。牡丹但見譜  
中誇。

墨牡丹次韻

少時忘死樂芳辰。一度花開酒萬巡。老去看他  
渾似霧年來。懶我不遊春。憑誰爲解東風恨。見  
畫聊爲帶笑人。九十光陰容易過。可憐紅紫總  
成塵。



輓董文山太史四首

吾土山川殊秀發古來英俊竚翱翔前朝人未  
登仙籙昭代君初到玉堂已爲雙湖開氣象更  
收百粵在門墻錦衣共羨還鄉早馬上爭看白  
面郎

其二

卽看雪刺滿頭顱長耦山雌逐水鳧極感深  
恩陪侍從寧忘魏闕老江湖雲霄零落孤飛雁  
林薄廻翔反哺鳥繞膝廿年情未盡追隨一直



到黃壚

其三

與子當季意氣投  
朱陳村裡結綢繆  
巷南巷北居隣近  
同醉同醒日唱酬  
杯杓不勝寢老病  
江山相待倦遨遊  
自憐未識浮生理  
西照東波浩蕩愁

其四

欲對東風倒叵羅  
酒徒次第托山阿  
何人得葬陶家側  
諸佛同歸窳堵波  
顧我餘生猶有幾  
哭



行步草  
卷二  
君老淚並無多。三春潛寐三泉下。省却鶯花攪  
睡魔。

辛亥上元卽事

元日桃符乍見更。元宵燈火又爭明。山簷爆竹  
聲尋滅。腊剩梅花咲不成。獨立野橋看野燒。相  
隨春月入春城。鞦韆女得東風送。學取飛仙上  
太清。

贈王來臣孝廉六十

曾聞士子恒爲士。能讀父書人幾何。君抱一經



傳慶闕眼看三葉掇巍科由來馬糞烏衣盛  
依舊龍駒鳳轂多他日黑頭公有在暮年心  
駐莫悲歌

次周六雨草堂壁間韻

不信莊周解陸沉眼邊俗物苦相侵  
桃花流水誰天地霖雨崩山我瑟琴  
破案繙經時有得荒途策杖欲何尋  
君家日日爲沽酒長在草堂深  
樹陰

辛亥莫春舊識過舍索詩



真成枯落守窮廬。門外堆花費掃除。燕子飛投  
華屋處。春風吹送故人車。淹留竟日無杯酒。填  
塞空腸有竹書。慙愧衣冠來照耀。科頭禿髮不  
曾梳。

寄趙晴心

參差樹影斜陽轉。寂歷春聲午夢殘。晚食飢腸  
加飯易。昏燈老眼讀書難。何季更共花村醉。一  
別頻傷歲序闌。憑託風雲日來去。登樓北望路  
漫漫。

集中  
歷上卷



次六雨草堂碧桃花韵二首

短牆小院鎖春愁，不與高紅競出頭。只有壁人  
堪折贈，何當雪夜對賡酬。日暄風暖芳菲節，骨  
冷魂清水月秋。我亦素流容倚玉，瓦盆盛酒勝  
瓊舟。

其二

爲汝行吟杖迹稠，素心晨夕少同流。每懷玉樹  
臨風謝，欲逐天台採藥劉。錯認梨花浴院落也，  
多月色下牆頭。玄都觀裡手株好，能免紅塵拂



不  
面不

次六雨碧桃花落韻

定逐梅魂上玉樓  
沾泥柳絮轉堪羞  
十城壁碎應須惜  
萬點風飄那不愁  
礧面拾來猶白雪  
隨流好去到芳洲  
北隣一樹如紅雨  
同委蒼苔漫不收

次韻贈闕虛谷山居五首

一意孤行不可羣  
夫君何必減桐君  
杳冥猿鶴通仙路  
磊砢松杉抱古文  
品字柴頭煨粥飯  
山



衣羊革度朝暉莫投城市來沽酒療渴寒泉瀉  
白雲

其二

千里歸來只舊貧三年浪漫走風塵誰傳煮石  
燒丹訣那得休糧辟穀身去種墓田棲丙舍靜  
連虎穴雜山民嶺猿啼處多薇蕨正合飢人此  
卜隣

其三

嗟余亦是不羈民安得從君去採真苓養松根



行步草  
卷二  
留道士溪流菘葉引幽人逃禪未必如龐蘊見  
月遙知憶許詢欲寄一瓢風雨夕悄然不獨爲  
親姻

其四

城市紛綸似蟻屯悠哉空谷掩柴門不聳蠻觸  
干戈事如見洪荒鳥獸痕啁哳夷歌何曲調尋  
常樂器是匏盆更應月夜吹羌笛取次梅花種  
滿村

其五



原  
條略已收

世首待  
略已收

人間何處覓桃園。去去居夷好辟喧。幽澗草生  
惟自媚。空山花落竟無言。五更不着鐘驚夢。獨  
夜誰偕月到軒。訣別庭前老梅樹。春風知爾憶  
家園。

乙卯春初次韵酌尹西民先輩見寄三首

東君爲我掃空堂。遲日仍回陋巷光。愁眼無邊  
春草綠。離魂一縷暮烟蒼。峴峨酒興年來減。慙  
愧詩人老更狂。珍重題詩遠相示。知將千鎔引  
盃觴。

詩法

卷七

七



其二

相思何日得登堂  
長日愁長北路長  
垂柳眼青  
元亮宅吹花風送  
令公香期君努力  
崇明德老  
我隨時愛景光  
真個夕陽無限好  
烟雲些子勝  
朝陽

其三

閉戶端居似養真  
東風楊柳任他新  
籍咸今日  
難謀醉廣受當年  
不苦貧飲茗如酣  
三昧酒  
花聊貯一餅  
春去年梁燕歸來  
了老屋依然伴



老身

用前韵酌尹西民二首

幾年身不到朝堂  
野外天邊化日長  
燕草何如南國盛  
山花不後上林香  
了無一事關心事  
饒有春光醉眼光  
成就此翁朝臥穩  
宵衣人早御青陽

其二

寄生浮世夢耶真  
歲歲誰能保食新  
對酒有花今日死  
卓錫無地去年貧  
慣看榮落尋常事  
漫



過昇平六十春  
咲問牽衣小兒女  
若翁可是百齡身





待焚草卷三

五言絕句

春寒

冷暑無春暉  
毛衣等葛衣  
紛紛梅亂落  
認作雪花飛

送第三女

去去寒天短  
看看夕照紅  
留將一方月  
姊妹話庭中

題墨菊五首  
趙禮齋



不是春風面經營想畫家有如描白月肯貴買  
朱砂

其二

陶公會畫扇應爾貌霜葩不怕荒三徑朝朝九  
日花

其三

聊爾試絃歌禮齋會尹嶧縣飄然反澗阿栽花曾滿縣

對此意如何

其四



一段悠然意丹青畫不成桃源何處所爲我謝  
秦氓

其五

風雨黃昏後何曾見落英桃花紅勝錦可惜不  
長生

七言絕句

同李金沙廣文看秀山垂絲海棠四首

半天原不是朱霞萬仞峰頭百尺花感謝化工  
安置妥許多尤物渾蓬麻



其二

山城桃李亂芳菲。獨倚春風舞翠微。嬌軟腰肢學不得。天生楊柳作青衣。

其三

仙姿儘可充金屋。春睡曾將擬玉環。每對東風心緒亂。紅顏空自老青山。

其四

十分春意難辭醉。一段風流不可傳。詩到少陵縮手去。多應留待李青蓮。



待略  
收

春田

胡豆萋萋綠滿疇。紫花簇簇繞塍溝。斷腸桃李  
傷心柳。未抵春田一半愁。

題松鹿圖二首

宜春苑鹿大夫松。苦繫銅牌耻受封。別有深山  
千歲物。畫師何處摹形容。

其二

丁固三公終夢幻。隍焦兩造本虛無。真人不見  
丹青假萬古。乾坤一畫圖。



次韵答人見贈二首

光陰老去豈能賒悔不當年讀五車別字應多  
如杖杜僻書僅得見南華

其二

著書苦愛漆園吏饒舌生憎惠子車堅白至今  
無一字江河萬古屬南華

春日郊行

骨醉熏風不易醒城中人莫出郊坰野田栽得  
春愁遍菜子花黃豆葉青



蘆山官廨梅樹五首

庭中落葉已成堆  
春色枝頭尚未來  
認得鄉愁容易亂  
忍心遣次遣花開

其二

頽垣斷瓦似荒邱  
火速開花咲破愁  
不分風臺兼月觀  
何郎占斷在揚州

其三

故園烟月夢中來  
乞骨還山已數回  
恨不此時辭汝去  
那能遲得到花開



其四  
但恐花開我尚留。上官未許卽歸休。商量一樹  
遲遲發。莫漫催人便白頭。

其五

我無遺愛在桐鄉。此樹難同召伯棠。要把斧柯  
親剪伐。春風省得斷人腸。

不寐

主人不喚自惺惺。雪被冰床徹夜醒。明燭滴殘  
千點淚。暗窓飛過一流螢。



官廨梅花四首

何年移汝到官衙。野水寒山失舊家。清淚斑斑知有恨。冰心一片在烟霞。

其二

故山未得撫孤松。且與梅花過一冬。憔悴風塵他笑我。同將水月照形容。

其三

一枝擬折寄相思。鄉路三千托向誰。洗雨梳風花瘦盡。不堪倚月聽<sub>地</sub>吹。

改詩略已



其四

相依破屋不相離。感爾多情贈爾詩。他日告歸  
三徑去。春風一度一相思。

成都月夜

錦城絲管夜紛紛。酒綠燈紅笑語聞。最是常娥  
無箇伴。千秋前對寡文君。

成都中秋遇雨二首

巫山神女暮行雨。不放月中人出頭。滴滴常娥  
眼中淚。一年只有一中秋。



其二

從來百里不同天  
香霧清輝兒女前  
南詔愁心寄明月  
隨風不得到西川

謁漢昭烈陵八首

一杯千載未消磨  
灞上文陵得似他  
疑塚纍纍七扣二  
使君不及阿瞞多

其二

陪陵自合是關張  
一度桃花一斷腸  
溝壑可憐先狗馬  
二臣不得作三良



其三

威加海內始歸鄉  
肯老蜀中作漢王  
可惜大風歌絕響  
至今魂魄戀樓桑

其四

功名不立歲如流  
千古英雄兩淚眸  
馬上何曾得天下  
盡消髀肉死邊州

其五

豫州何必減荆州  
豚犬空知託武侯  
安樂窩中思蜀否  
先人墳墓冷松楸



其六

大耳無兒尚有孫英靈克配阿翁魂可憐一具  
田橫骨誰與收他耐羨門

其七

武侯祠傍塚旁應魚水君臣地下仍骨化定軍  
魂戀此千秋一个奉園陵

陵旁有武侯祠

其八

嶽麓郊外四無隣野草年年一度春圖伯爭王  
今若此求田問舍彼何人



永寧九日

三年三處過重陽不見黃花一朶黃無限秋楓  
占春色有情青女扮紅粧

壽王邑侯三首

遺民曾作柴桑令元亮酬他五字詩我亦歸來  
三徑早與君贈答可無辭

其二

三旬九食彼何人飽飯殘年幸此身不望白衣  
來送酒也知廉吏甌生塵



其三

四面湖山繞縣衙  
儘堪種秫與栽花  
看君便是神仙吏  
不謂王喬有世家

次韵酬人見贈五首

觀君標格更觀詩  
不謂於今有項斯  
到處逢人吾懶說  
文章得失索誰知

其二

極知吾道屬艱難  
解組歸來兩歲寒  
不厭茹柴村舍酒  
依然粗糲腐儒餐



其三

閉戶久安仲蔚宅  
署門肯作翟公書  
不無春燕來寒舍  
儘有秋風響敝廬

其四

麀頭豈是宰官身  
只好糟邱作醉人  
行樂不思爲僕射  
高酣可肯負頭巾

其五

暮景飛騰鬢易銀  
揮盃勸影不辭頻  
墓碑要準陳暄例  
書個皇清故酒人



贈畫者劉竹坡二首

五湖四海寄孤蹤  
野鶴閒雲著太空  
廿載不知身是客  
天教占籍醉鄉中

其二

酒後羞稱老畫師  
前身無奈是王維  
閒來莫把青山賣  
好寫風鳶贈富兒

張四聰封君招飲海棠花下三首

青陽紅藥幾畝新  
九十光陰下坂輪  
度索山頭人不死  
蟠桃花謝也傷春



其二  
春風那解替吹愁幾度  
花開便白頭何處去  
沽  
千日酒醉埋花下不知秋

其三

我要屋邊種白楊  
青春刺眼是紅芳  
此翁行得胸中事  
不著牢騷拔海棠

丁未仲春從家大兄同張封君寧海關看

花遂遊海潮寺八首

秦關百二萬嬋娟  
棄粉捐脂膩渭川  
寧海一關



當百二飛花填滿打魚船

其二

荒村野水儘繁華  
照眼驚心萬萬花  
五十年來曾幾見  
可憐門外是天涯

其三

老人矍鑠路人誇  
騎馬來看十里花  
醉死不賢於老死  
便拚花下作生涯

其四

歸來三徑作生涯  
不種河陽一縣花  
莫替山林



行水直  
卷三  
嫌寂寞飽看天地競奢華

其五

採蓮携幼泛輕舸十五年前到海潮  
垂老重來尋舊跡白頭聯騎值花朝

其六

含悽擬問塔中僧會得無生法  
未曾花落崕頭陪滅度月來水面替傳燈

其七

兩君七八十年中水月樓頭幾度逢  
浪打山根



驚老夢不煩暮鼓又晨鐘

其八

老僧欸客有春觴累汝浮生半日忙更訂三秋  
偕二老相隨明月到禪房

周六雨草堂杜鵑花開邀余同看因病不  
得往作四斷句

如火奇花燒草堂病夫合眼見光芒無般七七  
作重九錯過花期誰與償

其二



極想花前把一盃稍能扶杖便追陪夜來應見  
朱裳女爲囑商量細細開

其三

一春花與百年同憔悴浮生共夢中枕上黃梁  
猶未熟化爲蝴蝶趁東風

其四

病中老眼更生花接葉交枝不較差妄卽是真  
真是妄闍黎鉢裡覓根芽

灌佛前一日壽周某七十四首



來朝是處會龍華共說西方誕釋迦可惜早生  
君一日讓他世界占蓮花

其二

長於佛理數君家論著三宗釋氏誇不免北山  
來調咲還輸吾子老烟霞

其三

無生不獨學瞿曇養壽兼之似老聃莫咲暮齡  
還種樹後園更噉十年柑

其四



君家久住曲江湄老見江流似少時此性何曾  
隨面皺世尊嘗說與波斯

宮怨集牡丹名二首

燕脂樓上倚欄嬌御苑黃昏不自聊  
夢化一雙綠蝴蝶合歡花下去飄飄

其二

烟粉樓頭曉又昏洗妝紅似海棠魂  
碧天一色中秋月照見觀音面淚痕

周六雨草堂杜鵑



六村漫谷漫山開容易  
窻前爛熳栽不是昭陽  
宣勅賜東君可要謝恩來

次韵題陳家漁母氏竹杖四首

寒尋晚巷煖穿花  
相與周旋日最賒  
不比齊宮甘草杖  
等閒拗折在天家

其二

忽憶中林長短莖  
悠悠參錯慨羣生  
諸姑伯姊知難問  
老眼巋然剩竹兒

其三



行夢  
卷三  
三  
撰杖欠伸視早暮依然日影下墻來流光眼看  
匆匆去晚節心知念念灰

其四

作便作來休便休虛中到處是天遊此君走着  
神仙路常與行人指路頭

次韻題十月杏花三首

雪裡蠟梅尚未黃東風消息正茫茫無端便逼  
三春杏莫恠橫飛六月霜

其二



甜梅花早漏春光錯認紅梅一樹香強咲居然  
如齟齬忍寒愁絕似啼妝

其三

董奉園林應節芳神仙何處避炎涼花開造次  
無如此會見客愁一倍長

次韵答闕清起見寄四首

絕域窮荒鳥不飛四天如幕莽相圍盃中飲淚  
應難醉夢裡還家且當歸

其二



不才重  
卷三  
一四  
可能拔宅學仙飛到處人間是鍊圍我喜生還  
愁餓死寄君書不寄當歸

其三

別後看花十度飛當時手種樹成圍山陽此日  
人餘幾華表他年鶴獨歸

其四

長繩難繫日西飛存歿傷心減帶圍未識殘生  
從此去可能忍死待君歸



詩餘

次韵寄城 蝶戀花

雙水東風今到了。遙憶京華一樣啼春鳥。小阮音塵殊杳渺。竹林化作相思草。廣受二疏千古好。父子同官。又得同歸老。爾我功名都潦倒。天南天北離多少。

附城韵

○ 癸巳年余偕窻友繆符星孝廉公車北上。比同下第。符星南旋。余獨旅金臺。



計其抵家之期當在新春余既有感  
於客况不能無故鄉之思而欲彼之  
乘時惜陰也因爲一詞寄之

雙水秀山君到了剛下征鞍恰聽啼春鳥載  
酒細將幽興討故園何處不芳草 記得海  
棠花最好珍重花開莫漫教花老陣陣東風  
吹到曉可憐枝上剩多少



讀其  
其為  
其人

跋

季父燕鄰先生生而穎異為吾祖鍾愛七歲失  
恃眠食依吾祖晨夕授經文說史事輒了了性  
情真摯狷潔事祖父能得懽心恭於諸兄故不  
獨吾父仲父愛之甚即堂伯叔皆篤愛焉自幼  
無他好獨喜讀書又喜飲酒常以書為下酒物  
飲少輒醉然不可缺惟書則盛暑祁寒燈下枕  
邊不釋手也書過眼多成誦又能深思力索以  
神相遇故探古人之微所為文不一格率皆吐



棄一切絕不猶人壬午舉於鄉兩試禮闈不第  
後除蜀之蘆山令在任未半載因病乞歸居林  
十二年布衣藜食萬卷一瓢陶然自足平生寡  
交里中一二從遊者覽眺常偕時或縱口談詩  
文春秋佳日散步岩阿又多獨往獨來暮年發  
言愈少出門愈稀嗜書愈甚亦頗耽內典故有  
苦寂况味居吾祖喪哀毀逾常人厥後生沒忌  
辰良時令節春秋拜掃孺慕彌摯惓戚形顏色  
平生口不言阿堵物不屑屑計數衡權等物莫



之識用也吾祖見其然慮其生計故於析產三  
子之日除某處田若干與季父外方三分之及  
祖沒後季父仍推出均之不肯多自予季父幼  
時亦嘗授書於吾父比長學力深至識密鑿洞  
吾父每爲文論文必煩季父定可否棄取讀書  
遇僻事奇字詢之季父已輒喜曰省我氣力繙  
史繙字彙我逸矣季父宅心淵密事理恒燭於  
幾先未事言成敗得失往往不爽吾父又嘗謂  
爲哲人行已孤介儵然不染塵滓而天真盎然



於物無忤故遊其宇者亦輸誠知愛敬城與弟  
兄輩或有小不善惟恐季父知卽不知然見時  
面赤局躄無容身地季父初未嘗以惡聲加人  
也人自內愧而嚴憚之其爲人之大略如此季  
父頗短視一卷入手默覽之至賞心處動聲微  
哦或加往復已而寂然惟見頻頻揭幅或哦或  
止初不事佔畢逾時掩卷已畢覽矣及叩之已  
悉曲折其中精要詞句略皆上口也幼年習制  
義酷愛

嘉魚亦同嗜故其文精悍不



可迨視迨後一變獨喜羅文止則力爲雋永幽  
深之文然亦無一定時或閱別家則又似別家  
至今家藏文稿固自成一家亦可分置諸家中  
也吾祖在日不時命題課吾父及仲父季父率  
多當意閱文已則融融色豫而於季父尤加欣  
賞嘗爲寶劍吟以見意焉於詩初愛太白後乃  
寢食於少陵宋代推子由聖俞斷句推臨川得  
集抄本亦爲傾倒而心慕力追少陵  
殆無間然嘗謂盲左腐遷爲文章兩派鼻祖但



盲文而腐質文固遜質也所爲古文大都尙奇  
拔至其論文則又不然嘗論唐宋八家奇莫如  
昌黎平莫如南豐然南豐之平非昌黎之奇所  
能及持論之不顧世眼如此將存此說乎惟俟  
知者而已明代古文服膺震川次則荆川遵巖  
東鄉於八家有選本四家亦有選本去取精當  
不落色相賞鑑蓋在驪黃之外嘗於東鄉論文  
嘆以爲至而禦兒之論五家以謂艾之識力高  
出諸家則又許其知言至於方城時文雖曾愛



而摹之而於下集以爲去天備遠甚也從學  
子姪每進古今文請秉筆評定圈點不輕加間  
有加圈必其肯綮要領又或在一二轉折虛字  
殆如僧繇點睛焉所作草書筆力適勁然不肯  
輕落筆評論古人法書獨具精鑒仲父工真草  
書嘗以不但識文兼能識字許之先正文云愚  
者觀物觀其所見達者觀物觀其所變拙者用  
物用其已成巧者用物用其未成季父嘗謂於  
此可悟讀書之法又嘗謂城未有此文原無此



文既有此文何以有此文蓋欲觀所變而用未  
成也訓子姪讀書領取神氣不尙記誦訓子姪  
行文抒寫性靈痛絕陳腐其說書每就書說書  
所謂善說書不說道理於唱經堂亦有取焉其  
爲詩或頃刻立就或慘淡數日尙不脫稿偶題  
一額署一聯必超脫精切一字未安不肯出手  
戚黨得者咸知珍之憶丙子歲季父讀書秀山  
桂香深處城年十二吾父命城從學嗣是無論  
風雨晨昏隨侍者約十三年戊子以後乃不獲



常追隨迨壬子歸田季父甚喜謂又得聚首城  
有肺病作時煩苦欲絕季父頻頻顧復一日城  
曰城霜露永感已六年矣若無叔父城生亦無  
趣有叔父在城死又未甘但得叔父壽至古稀  
城亦週花甲相守十年於願足矣季父曰得如  
此甚善但恐不能耳此乙卯歲語也次年丙辰  
城奉

命出山季父遣之行拜辭之日意殊慘然豈意生離  
卽爲死別乎嗚乎城於天倫骨肉均憾實多疚



心疾首號泣呼天撫已孽深其又何尤季父生  
於丙辰年十二月初四日卒於丙辰年十二月  
初六日享年六十一歲於蘆山任內恭遇

恩封吾祖亦邀

恩贈如其官季父詩文大都不存稿子姪有錄存者  
見卽焚之嘗謂詩至古詩十九首尙不肯以姓  
字留人間也城於乙卯歲出所錄存者從容言  
於季父曰冊中所載叔父之心血存焉甘苦寄  
焉卽不以示人可不使子孫藏之乎且古詩之



傳於今者亦未必語語絕調也千古之事寸心  
自知望於冊中酌定去留城請謹收之季父先  
不可固請乃許酌定後題曰待焚草卽此本也  
今將不付梓人懼其散失而付梓人實非季父  
意也內附城詩十餘首非敢襍瓦缶於黃鍾以  
季父曾用其韻誌不能忘爾嗚呼城質稟旣劣  
又無沉潛功力故雖從季父學旣不能文復不  
能詩年去景偏已成枯落追思往昔惟深悲悼  
謹於篇末撮其梗概一二同志可以觀覽並示



我後人俾謹守焉受業姪承謹識

昔

乾隆八年歲次癸亥春二月朔三日也



受堂







































